



759

Općina Stari Grad Sarajevo
Općinski Načelnik

Municipality of Stari Grad Sarajevo
Municipality Mayor

Broj: 01/1-04-13-8/21
Sarajevo, 25.02.2021. godine

KANTON SARAJEVO	
REKORDNO: 26-02-2021	Broj: 30390-2
01	04

Bosna i Hercegovina
Federacija Bosne i Hercegovine
Skupština Kantona Sarajevo
Ul. Reisa Džemaludina Čauševića broj 1

PREDMET: Informacija

Skupština Kantona Sarajevo je, na 32. radnoj sjednici, održanoj dana 05.01.2021. godine, između ostalih donijela zaključak, kojim se obavezuje Vlada Kantona Sarajevo, Ured za borbu protiv korupcije i upravljanje kvalitetom Kantona Sarajevo, kao i sve općine na području Kantona Sarajevo da poduzmu sve aktivnosti na rješavanju problema korupcije u sektoru izdavanja građevinskih dozvola i neplanske gradnje, također isti se obavezuju da o poduzetim aktivnostima obavještavaju Skupštinu Kantona Sarajevo.

Općina Stari Grad Sarajevo je opredjeljena za borbu protiv korupcije, kao negativne socijalno - patološke pojave, s visokim stepenom izražene društvene opasnosti, a koja predstavlja kvarenje moralnih vrijednosti pojedinaca, a samim tim i društva u cjelini. Pogubni su efekti korupcije za stabilnost i sigurnost društva, vrijednosti demokratskog političkog sistema, vladavinu prava, te se, upravo zbog njenih negativnih efekata, istoj mora odlučno suprotstaviti svim raspoloživim sredstvima, kako na lokalnom tako i na globalnom nivou.

Shodno naprijed navedenom Općina Stari Grad Sarajevo, koju zastupa Općinski načelnik mr. Ibrahim Hadžibajrić i Ured za borbu protiv korupcije i upravljanje kvalitetom Kantona Sarajevo su potpisali Sporazum o saradnji u aktivnostima na prevenciji i borbi protiv korupcije broj: 20-04-1637/21 od 05.02.2021. godine, u cilju provođenja aktivnosti na prevenciji i borbi protiv korupcije, te stvaranju jedinstvenog, efikasnog i učinkovitog pravnog i tehničkog okvira borbe protiv ove negativne socijalno-patološke pojave. Shodno potpisanom sporazumu Općinski načelnik je donio tri odluke i to: Odluku o Registru zaposlenih u Općini Stari Grad Sarajevo, Odluku o Registru imenovanih lica u Općini Stari Grad Sarajevo i Odluku o Registru podataka o javnim nabavkama koje provodi Općina Stari Grad Sarajevo.

U dijelu koji se odnosi na sprječavanje korupcije u segmentu bespravne gradnje, poduzete su aktivnosti na sistemu horizontale i vertikalne kontrole državnih službenika i namještenika koji su rapoređeni u službi nadležnoj za izdavanje odobrenja za građenje, kao i uspostavljanje sistema



koordinacije između Službe za urbanizam Općine Stari Grad Sarajevo i Službe za opću upravu i inspekcijske poslove Općine Stari Grad Sarajevo. Naime, u cilju sprječavanja bespravne gradnje na teritoriji Općine Stari Grad Sarajevo, a imajući u vidu činjenicu da investitori veoma često započinju sa radovima prije nego dobiju pravosnažno odobrenje za građenje, utvrđena je obaveza ovlaštenog lica Odsjeka za inspekcijske poslove Službe za opću upravu i inspekcijske poslove da kontinuirano prate stanje na terenu. Služba za urbanizam Općine Stari Grad Sarajevo ima obavezu, shodno članu 75. Zakona o prostornom uređenju („Službene novine Kantona Sarajevo“ broj: 24/17 i 1/18), da prije izdavanja odobrenja za građenje izvrši uviđaj na licu mjesta, u cilju provjere da li su započeti radovi na terenu. Kako bi se spriječilo da investitor započne sa radovima nakon izvršenog uviđaja od strane Službe za urbanizam u postupku izdavanja odobrenja za građenje, a prije dobijanja pravosnažnog odobrenja za građenje, Služba za Urbanizam Općine Stari Grad Sarajevo kontinuirano, po nalogu Sekretarke organa državne službe, dostavlja spisak obavljenih uviđaja na licu mjesta, u toku postupka izdavanja odobrenja za građenja, a obaveza Odsjeka za inspekcijske poslove Službe za opću upravu i inspekcijske poslove je da na kraju svakog mjeseca izvrši ponovnu kontrolu stanja na terenu, za predmetne lokacije, te o istom dostavi pismenu informaciju Sekretarki organa državne službe (izvještaj se dostavlja najdalje do 5. u narednom mjesecu za nadzore u prethodnom mjesecu).


Obzirom da se uočilo da postoji prostor za koruptivne radnje u postupku izdavanja odobrenja za upotrebu/naknadnog odobrenja za upotrebu, odnosno da izvještaj komisije za tehnički prijem ne odgovara stvarnom stanju na terenu, to je utvrđena obaveza Službe za urbanizam da za svaki pojedinačni zahtjev za izdavanje odobrenja za upotrebu/naknadnog odobrenja za upotrebu, nakon kontrole priložene dokumentacije i donošenje rješenja za imenovanje komisije za tehnički prijem, izvrši uviđaj na licu mjesta, te sačini zapisnik. Nakon dostavljanja izvještaja imenovane komisije, voditelj postupka je obavezan uporediti isti sa Zapisnikom Službe za urbanizma o izvršenom uviđaju, te ukoliko se konstatuje neslaganje, odnosno da je investitor odstupio od pravosnažnog odobrenja za građenje, potrebno je da dostavi informaciju Službi za opću upravu i inspekcijske poslove Općine Stari Grad Sarajevo, kako bi ista poduzela aktivnosti iz utvrđene nadležnosti.

Također, u vezi sa članom 196. Zakona o upravnom postupku („Službene novine Federacije Bosne i Hercegovine“, broj: 1/11, 50/15, 29/18 i 29/19), kojim je utvrđeno da će službena osoba koja rukovodi uviđajem paziti da uviđaj ne bude zloupotrijebljen i da ne bude povrijeđena ničija poslovna, profesionalna, naučna ili umjetnička tajna, voditelji postupka u Službi za urbanizam su obavezni prisustvovati uviđaju (u postupku izdavanja lokacijske informacije, postupku izdavanja urbanističke/naknadne urbanističke saglasnosti, postupku izdavanja odobrenja za građenje/naknadnog odobrenja za građenje, postupku izdavanja uvjerenja za etažiranje, ponovnim postupcima, obnovama postupka), koji se obavljaju u okviru upravnog postupka, koji vode.

Osim naprijed navedenim sistemom koordinacije i kontrole, nadzor nad radom nadležne službe se postiže i obavezom sačinjavanja petnaestodnevni i mjesečnih izvještaja o radu.

Organ državne službe treba da služi svim građanima podjednako i da u svim radnjama postupa u skladu sa zakonskim i podzakonskim aktima, ali i da poduzme sve preventivne radnje, kako bi se spriječile različite zloupotrebe, ali i propusti u radu. Stoga će Općina Stari Grad Sarajevo poduzeti sve neophodne radnje i aktivnosti u sprječavanju pojave korupcije, ne samo u segmentu bespravne gradnje, nego i u svim aspektima rada.

S poštovanjem,



Dostaviti:

1. Naslovu
2. Evidencija
3. a/a